



KEMENTERIAN PENDIDIKAN
JABATAN PENDIDIKAN NEGERI PERAK

**PEPERIKSAAN PERCUBAAN
BAHASA MELAYU
1103/1
Kertas 1
2 jam**

Set 2

1. *Kertas peperiksaan ini mengandungi **dua** bahagian: **Bahagian A** dan **Bahagian B**.*
2. *Jawapan hendaklah ditulis di dalam buku jawapan yang disediakan.*
3. *Jawapan boleh ditulis dalam tulisan Rumi atau Jawi.*
4. **Buku jawapan** hendaklah diserahkan kepada pengawas peperiksaan pada akhir peperiksaan.

Kertas peperiksaan ini mengandungi 4 halaman bercetak.

Bahagian A

[30 markah]

Solan ini mesti dijawab.

Gambar dan maklumat di bawah berkaitan dengan hari keusahawanan di sekolah.

*Berdasarkan maklumat tersebut, hantar e-mel kepada sahabat anda yang tinggal di negeri lain untuk menceritakan **Hari Keusahawanan sekolah anda**.*

Panjangnya e-mel anda hendaklah antara 150 hingga 200 patah perkataan.

Hari Keusahawanan
Anjuran: Kelab Keusahawanan
Semua warga sekolah
diundang.
SMK Putera Puteri

Tayangan Filem
Pameran Kesihatan
Gerai Makanan dan Minuman
Gerai Pakaian

Hadiah misteri menanti pemenang cabutan bertuah.

19 September 2011
8:00 pagi hingga 3:00 petang
Pekarangan sekolah

Kupon boleh dibeli daripada guru kelas atau urus setia penganjur.

Hari Keusahawanan dapat membantu murid atau pelajar membudayakan kemahiran inovasi dalam kehidupan sebagai usahawan berjaya pada masa hadapan.

Sumber:

<https://www.sinarharian.com.my/article/29890/edisi/pahang/pupuk-budaya-keusahawanan-dari-bangku-sekolah>

Enak penganan dibuat hidangan,
dimakan bersama seisi keluarga,
Hari keusahawanan sekolah adakan,
Menyubur kerjasama sesama warga.

Bahagian B

[70 markah]

Bahagian ini mengandungi empat soalan. Jawab satu soalan.

Tulis sebuah karangan yang panjangnya antara 350 hingga 500 patah perkataan.

1

Penggunaan e-dompet membolehkan orang ramai menjalankan urusan jual beli tanpa menggunakan wang secara fizikal dan memudahkan pengguna membuat transaksi wang secara pantas dan tidak perlu beratur panjang. Namun begitu, aplikasi digital ini sukar digunakan jika talian Internet kurang stabil dan sesetengah peniaga hanya menerima e-dompet tertentu.

Sumber : Buku Teks Bahasa Melayu Tingkatan 5

Berdasarkan petikan di atas, terdapat kelebihan dan kekurangan penggunaan e-dompet dalam kalangan masyarakat.

Bincangkan.

2

Melalui Rancangan Malaysia Ke-12 (RMK-12), kerajaan telah memperkasakan pendidikan teknikal dan vokasional (TVET) bagi melahirkan pelajar yang berkemahiran, terlatih, berbudaya usahawan, sekali gus menjadi belia yang lebih berdikari dan mampu menyesuaikan diri dalam suasana kerjaya yang mencabar pada masa hadapan. Pelbagai kempen, promosi dan penjenamaan semula TVET dilakukan secara komprehensif bagi menjadikannya kerjaya pilihan seperti di negara maju di dunia.

Sumber : Dipetik daripada
kenyataan media Dato' Sri Ismail Sabri Yaakob
3 Februari 2022

Ulas pernyataan di atas.

3

Generasi muda pada hari ini lebih terdedah kepada alam siber dan permainan komputer sehingga melupakan permainan tradisional seperti congkak, gasing, batu seremban, teng-teng dan tarik upih. Penganjuran karnival sukan tradisional, antara usaha memartabatkan permainan tradisional di negara kita. Penglibatan pelbagai pihak seperti ibu bapa dan agensi swasta juga mampu mengekalkan warisan budaya pelbagai kaum ini.

Sumber: Dipetik dan diubah suai daripada
Harian Metro, 31 Julai 2019

Pada pendapat anda, apakah usaha-usaha yang perlu dilakukan untuk mempopularkan permainan tradisional?

4

Industri kraf tangan di Malaysia terkenal dengan seni tradisional yang sangat menarik dan unik kerana diperbuat daripada sumber alam semula jadi seperti kayu, rotan dan tanah liat . Hasil kraf tangan telah diperturun dari satu generasi ke satu generasi demi mengekalkan warisan budaya sesuatu kaum seperti tembikar, batik, ukiran, tenunan, anyaman, tekat, wau dan pelbagai barang perhiasan.

Sumber : *Internet*

Persatuan Bahasa Melayu sekolah anda telah mengadakan lawatan sambil belajar ke sebuah pusat kraf tangan baru-baru ini. Sebagai setiausaha persatuan itu, anda dikehendaki menulis satu laporan lengkap tentang lawatan tersebut.

Tulis laporan itu selengkapnya.